

1. Uvod

1.1. Akcioni plan za izradu i provođenje Kvalifikacijskog okvira u BiH za period 2014-2020

Vijeće ministara Bosne i Hercegovine je usvojio niz odluka i dokumenata potrebnih za izradu i provedbu KOBiH. Među tim dokumentima, vrlo važni dokumenti su *Osnove kvalifikacijskog okvira u Bosni i Hercegovini* i *Akcionim planom za izradu i provedbu Kvalifikacijskog okvira u Bosni i Hercegovini za period 2014-2020*. (Prilog 9.1. ovog Priručnika)

Akcionni plan definiše viziju i misiju, ciljeve i svrhu KOBiH. On također uključuje analizu SWOT i sve važne aktivnosti i njihove ishode i odgovornosti.

Sve predložene aktivnosti *Akcionog plana* organizovane su u okviru pet međusobno povezanih paketa aktivnosti (P), kao što slijedi:

- P-1: Dizajniranje KOBiH (sve komponente, procedure, tijela, smjernice).
- P-2: Testiranje KOBiH (primjeri standarda kvalifikacija i zanimanja, programi, procedure i tijela, IT, web-platforna).
- P-3: Razvoj dokumenata za KOBiH i njihovo provođenje (pravna dokumenta na odgovarajućim nivoima upravljanja, unapređivanje sistema osiguranja kvaliteta, samo-certifikovanje i referentni izvještaji prema EQF i QF-EHEA-u, relevantna tijela, IT, platforma, standardi zanimanja i kvalifikacija, osavremenjivanje programa, priznavanje međunarodnih kvalifikacija).
- P-4: Razvijanje kadrova i kvaliteta provođenja *Akcionog plana* i KOBiH (obuka, međunarodna saradnja, difuzija cjeloživotnog učenja, osiguranje kvaliteta provođenja *Akcionog plana* i KOBiH).
- P-5: Pregled i dalja izrada KOBiH (analiza KOBiH, promjene izmjena i dopuna, vrednovanje neformalnog i informalnog učenja, revizija samo-certifikovanja i referentnih izvještaja).

Akcionni plan pospješuje usklađivanje vodećih obrazovnih međunarodnih projekata u BiH. On osigurava da se **ishodi** ovih projekata na najbolji mogući način uklapaju u interese BiH, uključujući održivo osavremenjivanje **visokog** obrazovanja i sistema osiguranja kvaliteta, koji dalje stvara osnovu za kvalitet kvalifikacije i njene **bitnosti** za tržište rada, dalje obrazovanje ili druge potrebe pojedinaca i društva.

Izrada i provedba standarda zanimanja i kvalifikacija predstavljaju jednu od ključnih radnji u *Akcionom planu*.